



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 6. De Politiâ Magni Ducatûs Hetruriæ.

urn:nbn:de:hbz:466:1-13120

xium Mediceum nothum Laurentij Ducem creavit. Sed dum ille se gerit impotētius interfectus est à Laurētio ei in Principatu proximo. Verūm dum ille fugit admisso crimine, Mediceæ factionis Principes Cosmum elegerunt tantūm annos 16. natum, qui matre licet dissuadente Principatum adiit, & demum ditionem suam sapientissimè ordinavit. Duxit vxorem filiam Petri Toletani Neapolitani Proregis, & Carolo V. semper charissimus fuit. Senensis Resp. diu luctata Gallis tandem victis & emissis, in potestatem Cæsaris venit primūm, postea à Philippo secundo concessa est Cosmo anno 1557. reseruatīs tantūm aliquot oppidis oræ maritimæ, scilicet Populonij ditione *l'Etat de Piombino*, & Præsidij statu, vbi *Porto Hercole*. Quomodo Cosmum Regem Pontifex creare voluerit, & vt constituerit Magnum Ducem suprà innuimus. Filium suum iugulauit eodem pugione, quo fratrem hic interemerat. Eius sibi profapiam vno aspectu videndam sistimus.

MAGNVS	FRAN-	}	PHILIPPVS qui infans obiit.			
	CISCVS		ELEONORA vxor Ducis Mantuani.			
	DVX	}	MARIA vxor Henrici Magni Francor.			
COSMVS	II.		Regis.			
seu			GARSIAS à patre iugularus.			
			IOANNES à fratre Garsiâ confossus.			
Primus,	FER-	}	COS-	}	FERDI-	COSMVS Tertius
	DVX		Secun-		DVX V.	& hæres.
	DVX		dus		CAROLVS MEDICÆVS	Cardi-
PRIMVS	DVX		DVX		nalis.	
	DVX		IV.		MATHIAS Præfectus Senensis.	
TUSCIÆ	III.				LEOPOLDVS.	
					CAROLVS Cardinalis Tusciæ.	
					LAVRENTIYS Medicæus.	

NVM. 6. De Politia Magni Ducatus Hetruriæ.

Dvx hîc potest omnia, & Consilium eius priuatum ex paucis admodum constat: Indubiis & arduis adhibet Consultores 12. Nobiles, partim Doctores, partim in Legationibus versatos

apud exteros Principes. In rebus bellicis interrogare solet Tribunos militares qui experientiâ cæteris præcellunt. Crimina capitalia ad Cancellarium Principis, & Secretarios solent referri. Florentiæ & Senis nihil immutatum de iure, quo tempore libertatis utebantur.

OPES PRINCIPIS. Ordinarius eiusreditus est, terdecies centena millia ducatorum, hoc est ut loquimur millio vnus cum trecentis ducatorum millibus, ex quâ summâ expendit octies centena millia in præsidia, in peditum, equitumque turmas atque alas. Impensæ maritimæ huc non veniunt in rationem, nam colliguntur ex decimis Cleri, ordine S. Stephani, & spoliis hostium. Cùm res exigit petere potest à suis subditis mutuam summam, modò ea non excedat 5. millia ducatorum, rùmque eis assignat redditus suos ut summam oblatam recuperare queant; sicque facillè, & breui tempore ingentem summam conficere potest, nemine reclamante, aut tergiuersante, ne gratiâ sui Principis excidat. Certè Ferdinandus Dux seposuisse dicitur 10. aut ut alij volunt 20. milliones, præter gemmas, & monilia maximi pretij. Fruitur & in regno Neapolitano Principatu **CAPISTRANI**, ex quo percipit quotannis 27. millia aureorum. Possidet & aliquid in Hispaniâ, quare se adoptari curat inter indigenas diplomate Regio, ut taceam hîc quatuor Palatia Romæ cum 7. millibus aureorum annui fructus.

VIRES MILITARES TERRESTRES. Habet Dux perpetuò descriptam militiam 36. aut 38. millium peditum, qui statis diebus per Tribunos & Centuriones suos ad arma exercentur. Ab hac militiâ nemo excluditur præter Clericos, & Scholares. Qui autem militant magnis fruuntur privilegiis. Potest autem Dux copias illas Florentiam euocare facillè, quia hæc sita est in medio ditionis. Habet & fossores suos atque operas *Gastadours*, quibus vitur tempore pacis ad muniendas, aut instaurandas arces. Prætorianos Heluetios centum habet sui corporis Stipatores armatos lorica, & pila *hallebarde*, Cataphractos equites centum alit, Velites quadringentos, præter nobilium luculentam turmam quæ Principem numquam deserit. Equestres copię mille quingentos non superât, de præfidiariis statui non potest, quia numerus modò augetur, modò minuitur, ut res postulant.

MARITIMÆ VIRES. Mari Dux plurimùm potuit, ex quo Cosmus Magnus à Carolo V. obtinuit Iluam Insulam cedentibus

spontè Apianis. Tum enim portum Ferratum muniuit, & Cosmopolin condidit, vt dicemus in Iluâ Inf. Hic portus maximarum nauium capax, & armamentarium alterum, nam primum Pisis erat. Educebat olim 12. triremes, aliquot hexeres *des Galeasses*, Gaulos maiores duos *deux Galions*, quibus utebatur ad merces subuehendas. Porro ad robur militiæ maritimæ anno 1571. Columbus instituit ordinem S. Stephani, cui præest Dux ipse. Ordo is auctus est multis priuilegiis à Pio V. Pontifice. Equites numerat LX. ex diuersis nationibus, Commendas habet centum, & 30. millia ducatorum. Tormenta bellica plurima in dies conflant, certè 150. Florentiæ pulcherrima visuntur.

NVM. 7. De Lucensi Rep. eiusque Politia.

LUCENSIS ciuitas maximè creuit cùm Castrucio Castricano tyrannidem Florentiæ exercente oppressi ciues Florentiâ excessere, & serici panni cõficiendi artem in hanc urbem potissimùm inuexere. Libertate fruituriam ab anno Christi 1436. Et Reip. huius fundamentum est, Senatus per quem magistratus & leges constituuntur. Sed Senatus ex tribus hominum generibus constat: alij enim Senatores sunt ordinarij, eamque dignitatem per annum exercent; alij extraordinarij, & prout videtur è Rep. à prioribus assumuntur; alij denique subrogantur in locum demortuorum, & eorum quoque annum munus est. Senatores in vniuersum centum sexaginta, vt plurimùm ordinarij centum viginti. Iam ciuitas vniuersa distributa est in 3. partes: 1. dicitur S. Saluatoris: 2. S. Paulini: 3. S. Mauritij, ex tribus his partibus terni seliguntur, qui supremum magistratum constituunt, quem *Signoriam* vocant, quibus additur Vexillifer vulgò *Gonfalonarius*, Reip. caput, qui per vices primò ex primâ parte, deinde ex secundâ, ac demum ex tertia seligitur. Tertio quoque anno eliguntur, & excepto Gonfalonario, singuli dicuntur *Antiani*. La *Signoria* palatio se continet, & sumptibus publicis alitur, nec exire potest sine capitis periculo. Ex iis Commendator eligitur; tres à secretis qui de crimine maiestatis iudicant, & in hac parte Gonfalonario præcellunt. De alijs magistratibus legatur liber de Italiæ Principibus, in quo hi satis accuratè expressi sunt, atque distincti.

VIRES. In ditione suâ numerant Lucenses 18. millia expedito-